

NIGITIWATAALE NIWAKATE CORIINTIOTEDI

Onidi ica oko anida aneetegi loiigi Cristo digoida Coriinto ane anagaxakenegegipi. Agoniwoditema Paulo me domaça yoxogotece lakataga ane beyagi. Onidi ica ane agecagalodipi, pida ica eledi bogodakapetege Paulo liigaxinaganegeco, idaagida me micataga degeniodi, leegodi jegepaa yaxawatiogi monakato Goniotagodi. Onidi ica ane daga oniwoditema Paulo mida nagatetigeteloco, digo mijotaga nigijoia eletidi liigexedi Aneotedogojo.

Paulo yalagata nigica ane leegodi me gonitiadi nigijoia odoejedi lotagatiogi. Yalagata nigica gela nimawenegegi Aneotedogojo me dinilakidetacetege oko, codaan yalagata nigina godolaadi me digica loniciwaga. Codaan yalagataca nigicoa liboonaga me yaxawa madewetedi miditaga loiigi Goniotagodi digoida Jerusalém, codaan eo libodigi anodaagigotalo me iwakatee nigicoa liboonaga dinyeelo. Yalaqata ane leeditibige mejinaga nigina me jaoga goboonitalo Aneotedogojo. Paulo yalagataca mewi me liigexegi Aneotedogojo, codaan yalagata nigijo ane degewi me liigexedi Aneotedogojo. Aagaña yalagata meliodi me dawikode me yaxawatiogi modiotece Goniotagodi, nogowidijedi lotaga iditedini owidi lajoinaganegeco.

Ane liwakate nagadi notaçanagaxi

1 ¹Ee Paulo. Ee liigexegi Jesus Cristo, leegodi joaniqidaa ane yemaa Aneotedogojo. Gonioxoa Timóteo ini meetaga naga jidi nagadi notaçanagaxi. Jidikotibigagaji anakaami lapo loiigi Aneotedogojo ane gadigeladi nigotaga Coriinto, codaan me iditawece loiigi Aneotedogojo ane idei nipodigi Grécia. ²Jemaanaga Aneotedogojo Godiodi codaan Goniotagodi Jesus Cristo meliodi meletagadomitiwaji, codaan mowo mele gadaalegenali.

Paulo diniotagodetalo Aneotedogojo leegodi nigidi oko codaan yatemati icoa lawikodico

³Jemaanaña me jogeeatalo Aneotedogojo, ane Eliodi Goniotagodi Jesus Cristo. Jiginiaaqiniwa Godiodi aneliodi me godiwikode, codaan idioka limedi me godaxawa nigina me jawikodeega. ⁴Godaxawatetece inoatawece ane dakaketogodomi, eotedibige me jakataga me jaxawanaga nigina eledi aninoa lawikodico, digo anigotedogowa Aneotedogojo me godaxawa. ⁵Igaataga

jawikodeega digo mioataga Cristo me dawikode leegodi me lakapetegi ane beyagi digoina iigo. Odaa anigote Aneotedogoji me yaxawa Cristo nigijo me dawikode, jijidaagee Aneotedogoji me godaxawa leegodi Cristo, nigina me jawikodeega leegodi mejiwagatece. ⁶Nigina me jawikodeega, jawikodeega me gadaxawanegegitiwaji, coda me jikeenagatagawa anodaagee Aneotedogoji me yewikatiditace oko. Odaa nigina Aneotedogoji me godaxawa, godaxawa eotedibige me jakataga me gadaxawanegegi madinatiitalo inoa gadawikodico odaa agadinalomegeni, nigina mawikodeetiwaji digo mokotaña me jawikodeega. ⁷Odaa gadinakatonegegitiwaji, coda me agadawienegege matitetelocotiwi jatiwagatakanegegi. Igaataga jowoogotaga nigina mawikodeetiwaji liciagi me jawikodeega, odaa Aneotedogoji gadaxawanitetiwaji anigotedogowa me godaxawa.

⁸Inioxoadipi, jemaanaga mowoogotitiwaji ane godawikodico nigijo me idejonaga nipođigi Ásia. Nigijo godawikodico eliodi me dakaketogodom, coda jicota me dagadiaa inibeoonagatege me godewiga. ⁹Jilegatibige daantaga godeleo, micataga nigina oko ane diigenatakata goniwinogodi moyeloadi. Pida jijinaa ane jixomagateenaqatedijo eotibige me godiigaxi me dogokomaga idinagaaga, pida nigijo godawikodico owotibige mepaanaga jinakatonaga Aneotedogoji ane yewikatiditace oko baanaga nigo. ¹⁰Aneotedogoji eote me godiwoko nigijo ane domaga goninyaagi, coda egeote me godiwoko anigino aletidi ane doidetedogodom. Coda jinakatonaga, coda jijidaagee me inibeoonagatege me godatamagateetacetegi okanicodaagica ane doidetogodom. ¹¹Godatamagateetetegi goninyaco leegodi mipokitogolocotiwi, odaa jijidaagee me godaxawanegegi. Enice ipokitogolocotiwi miniwataga Aneotedogoji amaleegaga eliodi oko odiniotagodetalo Aneotedogoji nigina nige nibodicaga me godatamagateetetegi ane domaga goninyaco, coda godibinie.

Paulo iigi icoa lowooko midokida me yaxawa Coriintiotedi

¹²Digawini ane leegodi me idinanenagatibece. Nigina ane jeemiteegatece catiwiđi godaaleđena aneo me jowoogotaga me jaoga nigina ane beyagi, ogoa domige nigina anele, aagaga nikeeđogowa anejinaga me godewiga gododoetiwi midioka limedi mele. Nigijo me jaoga gobakedi gadiwigotigi me gadaxawanegegitiwaji, jibaagatema inioskiniwateda Aneotedogoji, odaa Aneotedogoji godaxawa midioka limedi me jowooga inokina ane igenaga. Ajibakenaga lixakedi nigina okotigi nigina iigo. Pida Aneotedogoji eliodi meletedogodom, coda najigotedogowa godoniciwaga me jaoga gobakeditema gadiwigotigitiwaji. ¹³⁻¹⁴Igaataga inoka jidiigatibigagajitiwaji niginoa notaga anakati malomegenitelogo coda mowoogoti ane diitigi. Coda inibeotegetiwaji mowoogoti inoatawece ane jiditibigagajitiwaji, coda micota mowoogotitiwaji nigijo anallee dogwoogotiteda nigina natigide, amanagawini akatitiwaji madinanenitibece oko leegodi, digo mokotaña

maaga jakataga me idinanenagatibece akaami leegoditiwaji nigica noko nige dopitedijo Goniotagodi Jesus me iwi anigoteta inatawece oko.

¹⁵Jwoogodi nigida makaamitiwaji mele mabaatege niginoa yotaga, joanigidaa leegodi me domaga jemaa me idalitacagawatiwaji, domaga jaotibige mitoataale me jakadi me gadaxawani, codaa me jaote maniniitibecetiwaji. ¹⁶Igaataga domaga yowoogo me idalitacagawatiwaji me gadoxiwici me iniwijajeticogi nipodigi Macedônia. Eleditace ja domaga yowoogo me idalitacagawatiwaji naga idopitijo ane jicogoticogi, domaga jaotibige makatitiwaji madaxawani me iniwijajeticogi nipodigi Judéia. ¹⁷Nigijo me yowoogo me idalitacagawatiwaji, adomagatooa nigijo yowoogo. Nigina me jowo me jaote okanicodaagica, agemokee me idinowo, micataga nigina oko anee, “Jao”, ogoa domige ee, “Ajaو”, pida me notaaganaga mina etigodinaale. ¹⁸Ajakadi me idalitacagawatiwaji. Pida nigijo meji mejigo idalitacagawatiwaji, ayowoogo daga gadinaalenitiwaji, digo mijoataga Aneotedogoji midioka limedi meetetece anewi. ¹⁹Nigijo midiaagejonaga makaamitaqatiwaji ee, Silas, iniaa Timóteo, jelogotagataqgawatiwaji anodaageeteda Jesus Cristo, Lionigi Aneotedogoji. Jigijaagijo nigica oko anidioka limedi meetetece anewi, codaa agica daga diwitaka. Idioka limedi meote ane ligegi. ²⁰Igaataga nigijo Aneotedogoji mee me niwakatee Lionigi meote me godewigatace, Jesus Cristo ikee Aneotedogoji mewi meote me icotece ijoatawece nigijo ane lotaga. Joanigidaa leegodi nigina mejinaga, “Amém”, jikeenaga me godiwoditema Aneotedogoji midioka limedi micota inoatawece ane lotaga, leegodi Cristo. Joanigidaa me jogeegatalo Aneotedogoji. ²¹Natigide, iniaaginiwa Aneotedogoji aneote akaamitiwaji matiteteloco gatiwagatakaneggegi codaa moko, codaa meote me dagajikanaga me jinakatonaga Cristo. Coodaa jigijaagijo aane najigotedogowa gonagatetigi me jibaagatema. ²²Nikeetedogowa moko nepilidi, nigijo naga niwakatee Liwigo me digeladetogoji, odaa jigidaagee me nikeetedogowa micota me najigotedogowa inoatawece anele, ane ligegi me najigotedogowa.

²³Jemaa Aneotedogoji me ikee mejitece anewi, igaataga yowoogodi ane yowoogo catiwedi yaalegena. Ja jiigi yowoogo, odaa agejigo nigotaga Coriinto daga ilaagetedipi nigidi oko anowo ane beyagi idoitibige daga gadelatomitiwaji. ²⁴Igaataga ajemaa daga idelogo daga jao liciagi nigina oko ane domogoyemaa metigadiigenitatiwaji nigica ane leeditibige me iwaqati, igaataga nigida makaamitiwaji jaqatiteteloco gatiwagatakaneggegi. Pida bogoko gabakawepodi, jaogatibige maniniitibecetiwaji.

2 ¹Ja yowoogo me degejigo idalitacagawatiwaji ade jao makaami agecagalodipi. ²Igaataga daga jao makaami agecagalodipi, agica eledi oko aneo me idinitibeci, igaataga akamokakaamitiwaji makati mawii me idinitibeci. ³Odaa me jiditibigagaji nagajo eledi iwakate notaganagaxi jaotibige nigina nigejotagawa me dagawii me ee agecagalo, leegodi jagakamagakaamitiwaji ane domaga leeditibige mawii me idinitibeci. Igaataga jwoogodi nigina me idinitibeci makaami leegodi, codaa makaamitiwaji akaami inikagawepodi. ⁴Nigijo me jidi nagajo eledi notaganagaxi, eliodi

me jogowikomata coda eliodi me ee agecagalo negepaagicotá meliodi me jinoetibece. Ajidikotibigají daga jaote makaami agecagalodipi, pida jidikotibigajitiwaji me jaotibige mwooogoti meliodi me gademaanitiwaji.

Ixomagateenitice ane beyagi anowotagadomi niçina oko

5-6 Nigijo oko aneo moko agecagalodipi leegodi loenatagi ane beyagi, eo magaga ee agecagalo, pida ijo niçina akaamitiwaji aneliodi magecagalodipi. Pida agalee jemaa daga jiojotece, igaataga eliodi niçina akaamitiwaji jegeliodi maloikatiti niçini oko, odaa agalee leeditibige dagaloikatiti. 7 Natigide leeditibige me ixomagateenitice nigijo loenatagi ane beyagi. Coda leeditibige mawii loniciwaça niçini oko me dagadia agecagalo, odaa aika me nakato Goniotagodi. 8 Coda awii me ywooogodi mewi memaaní. 9 Joanigida leegodi nigijo me jiditibigajitiwaji nagajo iwakate notaganagaxi, jaotibige me jwooogodi migidioka limedi me gadigomi me iwagati ane jiügetagawa. 10 Niçina nige ixomagateenitice libeyacegegegi aneo oko, odaa ee aagaça jixomagateetice, igaataga nige leeditibige me jixomagateetice ane beyagi loenatagi niçina oko gadiwigotitiwaji, jaotibige me gadaxawani, coda jao me lodee Cristo. 11 Jao niçida anejí jaotibige me daga jika Satanás me dinigaanyetogodici, igaataga ele me jwooogotaga anodaagee Satanás.

Paulo yalagata me agecagalo digoida nigotaga Trôade

12 Nigijo mejigo nigotaga Trôade me jelogoditedibece nibodicetedi anele anoditece Cristo. Negejota nagani nigotaga, odaa ja jinadi Goniotagodi me yomoketedomi epoagi midiaa ibakadi. 13 Pida eliodi me ee agecagalo leegodi agica me jakapetege gonioxoa Tito digoida Trôade. Odaa ja jibodenaga, jegejigo nipodigi Macedônia.

Cristo eote me jikekenaga godaxakawepodi

14 Pida iniotagodeegatalo Aneotedogoji. Igaataga idioka limedi meote me inigaanyaça, oko ane godexogotege Cristo. Aneotedogoji godibake meote inatawece oko mowajipata latematigo ane yalagatalo Cristo. Niçida natematigo liaciagi lanigi ladokojegi ane ilaagiteloço inatawece oko. 15 Nigijo jotigide sacerdoti judeu ibootalo Aneotedogoji ladokojegi me docagatalo. Aneotedogoji idigotedogowa micataga niçida ladokojegi. Odaa Cristo jigmiaa ane godibooete Aneotedogoji. Micataga niçina lanigi edokojegi milaagiteloço oko, jigmiaa ane godibooete Aneotedogoji godiige me jilaagagatagedice nibodicetedi anele aneetece Cristo minataça inatawece oko, minataça oko baanigida lewiga, coda me minataça oko analieganiatagigipi. 16 Niçina oko analieganiatagigipi ododigotogowa micataga niçina ane beyagitege lanigi ane yeloadi oko. Pida niçina oko baanigida lewiga bogododigotogowa micataga niçina aneletege lanigi aneo lewiga. Joanigida leegodi agewi ina mica anabotege niçida gobakedi ane dakake. 17 Nigida moko agodiciagi eliodi oko anodigota latematigo Aneotedogoji mododigo micataga okanicodaagica enaanigi. Pida ajelogotagatibece latematigo Aneotedogoji daga

joleegatibige me inigaanyagatece dinyeelo, ogoa domigetaga okanicodaagica ganigetiqidi. Leegodi me Aneotedogoji godimonya, codaan leegodi me godexogotege Cristo. Odaa jakataga me jatematikanaga me yapiđi godaalegena lodoe Aneotedogoji, nigina me jelogatagatibece anodaageeteda Cristo.

**Paulo yalağata ica gela gonimawenegegi me
idinilakidenagatege Aneotedogoji**

3 ¹Nigida moko agokomaga idiniwenigidenagatibece oditaga idinikeenagatacetiwaji gadodoe. Codaajopoogatibige gododoeje miniga idinikeenagatagawatiwaji ane godelogodi moko oko anele codaamida godixakedi, otegexaağaga jopoogatibige gadidietiwaji me gododoeje miniga idinikeenagatiogi eledi oko, agodiciagi nigina eledi oko anepoogoyopotibige lodoje. ²Igaataga nigida makaami jagakamagakaamitiwaji macataga nagana gododoeje me godikeenegegi lodoe eledi oko, macataga nagadi gododoeje daga dinidi catiwedigodaalegena, odaa inatawece oko oyakadi moyowoogodi codaamoyalomegeteloco. ³Ane enitiwaji me gadewiki ikee makaami macataga nagana liwakate Cristo ane idí, odaa ja najigotedogowa leegodi gobakeditema. Nigida makaamitiwaji agadiciagi niğica anodaagee notağanagaxi niwakate niğica jotigide anoidi, niğijo maleegoibake nitiiganaganagadi, odaa jogoiditeloco wetiga liwai. Pida akaamitiwaji baga gadiciagi nagana niwakate ane idi Liwigo Aneotedogoji catiwedilaalegenali nigina oko.

⁴Leegodi Cristo, odaa jinakatonaga Aneotedogoji meote nigida gobakedi me diniwaloe. ⁵Nigida moko ajakataga degejinaga me jakataga me jaoga codaamejicinaga gobakedi daga jatikanaşa okomaşa godoniciwaga, otegexaağaga okomaşa godixakedi. Pida Aneotedogoji najigotedogowa godixakedi me jaoga ane gobakedi. ⁶Igaataga Aneotedogoji najigotedogowa godixakedi me jaoga gobakedi me jikeenagatiogi okogela gonimawenegegi me idinilakidenagatege Aneotedogoji. Aneotedogoji aibake niğijo liigenatakanegeco ane diigenatakate niğijo jotigide, pida ida gela nimawenegegi me dinilakidetedogogi. Ibake epaa Liwigo meote nigida gela anejinaga. Niğijo liigenatakanegeco ane diigenatakate mediniditedini idokeo oko midioka limedi me nigo. Pida Liwigo Aneotedogoji begeo oko midioka limedi me newigatace.

⁷⁻⁸Niğijo Aneotedogoji naga iiğe Moisés me idí liigenatakanegeco, iditeloco wetiga liwailidi, codaan niğica latalaga Aneotedogoji ja dinikee. Niğijo natalaga eo latobi Moisés magaşa datale. Niğijo natalaga naga dineliotini, pida ejidokee me yoniciwadi. Joanigidaa leegodi loiigi Israel aqoyakadi otegexaağaga moiwitaa Moisés. Niğijo liigenatakanegeco Aneotedogoji owo oko midioka limedi me nigo. Niğidiwa niigenatakanegeco inoka naddegi némaşa. Niğijo Moisés naga iditedini liigenatakanegeco, odaa jagaga datale Aneotedogoji latalaga.

Odaa nigida gela gonimawenegegi me idinilakidenagatege Aneotedogoji aneotogodomi Liwigo, nigida gela anejinağa dagaxa me ikee anodaageeteda Aneotedogoji me datale. ⁹Igaataga nigijo oxiigodi gonimawenegegi me idinilakidenagatege Aneotedogoji, nigijoja lajoinaganegeco Moisés, idoka eotibige Aneotedogoji me laagetedipi oko, odaa ja diigenatakatediogi moiloikatidi. Nigida oxiigodi anejinaga ikee Aneotedogoji me datale, odaa nigida gela anejinaga enegegitace ikee Aneotedogoji me datale, leegodi meo me igenaga nigina oko lodox Aneotedogoji. ¹⁰Igaataga latalaga Aneotedogoji ane dinikee nigijo negeote gela anejinaga caticedi nigijo latalaga Aneotedogoji ane dinikee negeote oxiigodi anejinaga. ¹¹Nigijo latalaga Aneotedogoji ane dinikee, nigijo Aneotedogoji negeote nigijo oxiigodi gonimawenegegi me idinilakidenagatege anallee ixomagatijo. Pida nigijo Aneotedogoji negeote nigijo gela gonimawenegegi me idinilakidenagatege ane dagadiaa ixomagatice, odaa nigijo latalaga Aneotedogoji ja dagaxatace me yoniciwadi.

¹²Jowoogotaga nigida gela gonimawenegegi me idinilakidenagatege Aneotedogoji me dagaxa mele. Joanigidaa leegodi mabo godaalegena mejinigatece nibodicetedi anele anoditece Cristo. ¹³Baadaga godiciagi Moisés. Moisés begeo lipegetege ane yapogoditini latobi eotibige loiigi Israel me dogonadi naga dineliotini latalaga Aneotedogoji aneiteloco latobi. ¹⁴Pida loiigi Israel micatağa daga dinapogoditeloco lipegetege lowooko, odaa jigidaa me digica lowoogotakaneggegi. Codaa me nigina noko, nigina moyalomegeteloco lotaganagaxi Aneotedogoji aneetece nigijo oxiigodi gonimawenegegi me idinilakidenagatege Aneotedogoji, nigidi noiigi agoyakadi moyowoogodi. Codaa ağıca lowoogotakaneggegi leegodi agonakato Cristo. Leegodi nigidi oko idoka yakadi lowoogotakaneggegi nigina nige nakato Cristo. Odaa micataga Cristo daga noga nagajo lipegetege anodinapogoditinigi. ¹⁵Odaa niginoa nokododi nigina moyalomegeteloco lajoinaganegeco Moisés, baga micataga dagaleegadi nagajo lipegetege ane yapogoditedini lacilodi. Odaa agoyowoogodi anodaageeteda Aneotedogoji. ¹⁶Pida nigina nigica anopitalo Goniotagodi Aneotedogoji meyiwağadi, odaa micataga daga noga nagajo lipegetege, odaa jagaga oyakadi moyowoogodi nigida gela gonimawenegegi me idinilakidenagatege Aneotedogoji. ¹⁷Goniotagodi jığiniae Liwigo Aneotedogoji aneote nigida gela gonimawenegegi me idinilakidenagatege Aneotedogoji. Odaa Liwigo Aneotedogoji nige digeladetigi godaalegena, odaa ja jakatağa me idejonaga lodox Aneotedogoji me digicata ane yolitogogi. ¹⁸Odaa okotawece ağıca ane yapogoditini godatobi macataga nagajo lipegetege Moisés aneo latopije. Odaa jigidaa godatobi yakadi me ikee anodaageeteda Aneotedogoji me datale, macataga noleegaxi. Odaa Liwigo Aneotedogoji idokee me iigi anejinaga me godewiga, codaa eo me godiciagi Goniotagodi, odaa jigidaa godatobi latalaga Aneotedogoji me dinikee catiwedi godewiga, codaa idapaga diiticogi me dinikee.

Nilokokena Aneotedogoji nalotogoloco

4 ¹Aneotedogoji godiwikode, odaa ja najigotedogowa nigida gobakedi. ²Joanigidaa leegodi midioka limedi me jilidagata me jaoga ane gobakedi. ²Ja jikanaga, codaa agalee jaoga okanicodaagica aneo me godiboliga, nigina anoyaagaditini mowo nigina oko. Codaa aininaalenagatiniwace oko daga jiigaga lotaga Aneotedogoji. Pida jikeenaga Aneotedogoji lotaga mewi. Aneotedogoji yowoogodi nigina oko moyakadi monadi anejinaga me godewiga, odaa jagaga onakato niginoa godotaga. ³Pida nigina oko nige dogoyowoogoditeda niginoa godatematiko me godalagatalo Cristo, nigidi oko jaganiatagigipi. ⁴Nigidi oko agoyowoogodi, leegodi nigijo anodita me, “noenogodi nigina iigo”, diaabo, jiginiaa yolutege lowoogotakanegge, aika digica anoyowoogodi, nigidi oko ane degeniwaqatakanaga. Micataga degeo metoinadi me dogonadi nilokokena Aneotedogoji, codaa analotiogi. Nagani lokokena natematigo anele, aneetece Cristo ane datale liciaceekawa Aneotedogoji me datale, codaa Iniaaginiwa Cristo liciagi Aneotedogoji. ⁵Igaataga godatematigo agokomokoko me yalagatoqowa, pida aagaga yalagatalo Jesus Cristo, miniaaginiwa Goniotagodi ane iige inoatawece, codaa yalagata moko gaotagipitiwaji leegodi oko liotagipi Jesus. ⁶Aneotedogoji ligegi nigijo jotigide, mee, “Jidagadi lokokena miditaga nexocaga!” Codaa Iniaaginiwa jegeote me ídi nilokokena catiwedi godaalegena. Nagani lokokena eo me jowoogotaga anodaageeteda Aneotedogoji me datale, anodaagee me jinataga latobi Cristo me datale.

Gogamalegeco inaa godawikodico

⁷Godatematigo liciagi nigicoa niliicagajetecidi oko me yotete catinedi boote ane daga libiniena. Nigida moko godiciagi nagana boote ane daga dakaketigi manonya. Pida Aneotedogoji epaaqigotedogowa me godoe eotedibige me ikee miniaaginiwa eliodi loniciwaga, codaa me najigotedogowa godoniciwaga me jilaagagatagedibece godatematiko. ⁸Elioditibece minoa ane dakaketogodom, pida idioka limedi me daga idejinagati. Elioditibece metigodalomegetice, codaa agalee jowoogotaga nigica anejinaga, pida agica daga jikanaga me jaliigatalo Aneotedogoji me godaxawa. ⁹Nigina oko etigodiatetibece, pida Aneotedogoji agica daga godikatedice. Micataga degeliodi me inigaaxaga, pida agooda godeleo. ¹⁰Nigina godolaadi idioka limedi me dawikode, codaa me doidetibige me godeleo, digo mijoaataga Goniotagodi Jesus me dawikode negepaa yeleo. Jigidaagejinaga me jawikodeega eotedibige Aneotedogoji me ikee catiwedi godolaadi nigica anodaageeteda Jesus mijoa me yewiga. ¹¹Igaataga nigina malee godewiga idioka limedita me doidetibige me godeleo leegodi jibaagatema Jesus. Odaa jigidaagejinaga me jawikodeega amaleegaga ikee Jesus nigica loniciwaga lewiga idei catiwedi godolaadi anicota me daa. ¹²Odaa idioka limedi me doidetibige me godeleo nigina malee

jibaagatema Aneotedogoji me gadaxawanegegeitiwaji. Odaa nigida gobakedi gadaxawanitiwaji midioka limedi me gadewiki miniwataga Aneotedogoji.

¹³ Maditaga lotaaganagaxi Aneotedogoji diniditeloco, “Ee ja jinakato Aneotedogoji, joanigidaa leegodi mejitece.” Oko eledi jinakatonaga Goniotagodi, godiciagi nigijo oko aneetece niginoa notaga. Joanigidaa leegodi magaga ejinagatece Cristo. ¹⁴ Leegodi jowoogotaga Aneotedogoji ane yewikatiditace Goniotagodi Jesus, odaa oko aaqaga icota meote me godewigatace leegodi me yewikatiditace Jesus. Odaa Aneotedogoji godawanagaditediwage me godadeegite lodoe. ¹⁵ Igaataga ja jixomagateenagatedice inoatawece ane godawikodico jaogatibige Aneotedogoji meote aneletagadomitiwaji. Joanigidaa Aneotedogoji midokee meote ane dagaxa meletema eliodi oko. Codaa elioditace oko odiniotagodetalo Aneotedogoji, odaa jijidaagee eliodi oko odogetetalo Aneotedogoji.

Ica gonagajegi

¹⁶ Enice oleetibige midioka limedi mabo gadaalegena. Icaagica godolaadi nigidokee me digica loniciwaga, Aneotedogoji eote godiwigo me micataga daga gela inoatawece nokododi. ¹⁷ Igaataga niginoa godawikodico aleegi odaa ja ixomagatedice, codaa agenegegi dakake. Pida niginoa godawikodico owo me inigaanyagatece nigica gonagajegi miniwataga Aneotedogoji. Nigidi gonagajegi agaleegica daga daa, codaa dagaxa mele caticedi nigica ane jowooga, codaa caticedi me yediatelogo nigijoa godawikodico. ¹⁸ Agica jaoga daga iniwinagatalo niginoa anepiginoa me jinataga, pida iniwinagata nigica gonagajegi ane digica me jinataga. Igaataga nigina ane jakataga me jinataga aleegi odaa ja ixomagatijo, pida nigica ane daga jinataga baadaga ixomagatedijo, idioka limedi midiwa.

Ica godolaadi gela digoida ditibigimedi

5 ¹ Nigida moko agodigecagalgotidi nigida gobakegitema Aneotedogoji, igaataga jowoogotaga nige daa nigina godolaadi, odaa Aneotedogoji ja najigotedogowa eledi godolaadi gela. Nigina godolaadi maleegejonagateloco nigina iigo liciagi nopegedi ane daga leegi odaa ja daa. Pida godolaadi Aneotedogoji anicota me najigotedogowa digoida ditibigimedi baga liciagi diimigi anele ane daga daa. Nigini diimigi agoko loenatagi, pida Aneotedogoji loenatagi. ² Pida digoina iigo inikanagaticobece godaadi leegodi meliodi me jemaanaga me age me jibagatege godolaadi gela ane liciagi diimigi anele digoida ditibigimedi. ³ Jemaanaga me idinixomagatinece gela godolaadi, amaleegaga nige limedi me godeleo, godiwigo adedigicata lolaadi, micataga nigina oko ane digicata lowoodagagi goboliga. ⁴ Nigina maleegejonagateloco godolaadi digoina iigo, liciagi nopegedi, odaa inikanagaticobece godaadi leegodi godolaadi me digica loniciwaga. Ainkanagaticobece godaadi daga leegodi me jemaanaga mejonagateloco godolaadi ane digica loniciwaga anicota me daa. Pida eliodi me jemaanaga me idinixomagatinece godolaadi gela digoida ditibigimedi, ane daga

agamalegegi, codaa ane dağa daa, pida idioka limedi midi. Odaa jığidaagee nığina ane daa agalee dinikee, pida bigidioka limedi me dinikee idiókidi nığica anidioka limedi me yewiğa. ⁵Aneotedogoji jığinaageote naşa godigo me idinixomagatinigi gela godolaadi. Joanigidaa leegodi me najigotedogowa Liwigo me ikee mewi micota me najigotedogowa godolaadi gela.

⁶Joanigidaa leegodi midioka limedi mabo godaalegena. Jowoogotaga nığina maleegejonagateloco nığina godolaadi ane digica loniciwağa, etoko leegitalo me jotonagatice aneite Gonintagodi. ⁷Pida nigida anejinaga me godewiğa ikee me jinakatonaga Gonintagodi, idığida ajinakatonaga nığinoa anepiginoa me jinataga. ⁸Odaa eliodi mabo godaalegena. Odaa eliodi me jemaanaga me age me jikanaga nığina godolaadi digoina iigo, miniga digoida miniwataga Gonintagodi, codaa me godewiğa miniwataga, codaa jipecagatege. ⁹Joanigidaa leegodi me idinoniciwagataga me jilenagatibigo Gonintagodi, domigma maleegejonagateloco godolaadi digoina, ogoa, domige niginiga godewiğa miniwataga. ¹⁰Igaataga okotawece leeditibige me idejonağa lodox Cristo, nige limedi me iwi anodaagigotediogi oko. Odaa najigotedogowa okotawece nığica ane igenaga me loojedi ane godoenataka digoina iigo. Gonintagodi igenaga me godediatediniwace. Odaa ida loojedi ane yediateloco loenataka nığina oko anowo ane beyagi, nığina oko anowo anele idagaga loojedi anağaga oyediatece.

**Jelogotagatibece anodaagee nığina oko me
yakadi me ilagatege Aneotedogoji**

¹¹Nigida moko jowoogotaga Gonintagodi micota me ilokatidi nığina oko leegodi libeyacegeco. Joanigidaa leegodi me jeemiteegatibige codaa me idoiigatalo nığina me joleegatibige me jajacagataga nığina oko moika mowo ane beyagi. Aneotedogoji yowoogodi ane godowooko, codaa anodaagejinaga me godewiğa. Odaa inibeotegi makaami eledititiwaji owoogoti catiwedi gadaalegenali anodaagee godowoogo codaa anodaagejinaga me godewiğa. ¹²Ajemaanaga dogokomaga idinelecagatenaga daga jaogatibige mabaatacogogi. Pida jemaanaga me jaoga aneo madinanenitibece leegodi okomogoko. Odaa jığidaa makatitiwaji magiti nığina oko ane dinanetibigiji leegodi nığina ane jinatagatece, idığida aleegodi anodaagee lewiga. ¹³Nigodi moko yetoledi, pida leegodi nigida gobakegitema Aneotedogoji. Nigodiletibige dogoko aninoa lixaketedi, pida midegejinaga leegodi me gadaxawanegegitiwaji. ¹⁴Leegodi Cristo me godemaa, odaa jikanaga mepaa godiğe. Igaataga jığidaagee ane godowoogo. Onjoatece goneleegiwa Cristo yeletetema inatawece oko, odaa micataga daga nigo inatawece oko. ¹⁵Yeleotetema inatawece oko eotedibige nığina oko bagalee newiğa, me dagadiaa newiğa mepoka dinemaa, pida moyewigatema Nigijo ane yeletetema, codaa me yewigatace meote aneletema.

¹⁶Odaa nigida moko agalee jiwinaga aninigata oko leegotedi ane nepildi, otegexaağaga ane latopagi mini moko. Nigijo jotigide jiwinaga Cristo leegodi

ane latopagi coda me niğicoa ane nepilidi digoina iigo. Pida nigung natigide agaleegidaagejinaga me jowoogatibige Cristo.¹⁷ Nigung oko naga yexogotege Cristo, odaa Aneotedogoji jegeote me gela oko, micataga daga gela laalegena. Niğijo oxiigodi anee me yewiga ja ixomagatijo, ja ma. Ja gela anee me yewiga. ¹⁸Aneotedogoji ja iigi godaaalegena, coda najigotedogowa gela anejinaga me godewiğa. Niğida moko niğijo jotigide oko laxakawepodi Aneotedogoji, pida nigung natigide Aneotedogoji jegeote moko lokaagetedipi leegodi Cristo. Odoo najigotedogowa gobakedi me jelogatagatibece anodaagee nigung eledi oko moyakadi me lokaagetedipi Aneotedogoji. ¹⁹Joanigidaa godatematigo. Godatematigo Aneotedogoji me ibake Cristo me yediatedeloco libeyacegeco nigung oko, micataga nigung me jedianaga niginoa gonaalewe. Eotedibige nigung oko moyakadi me lokaagetedipi, igaataga inatawece oko laxakawepodi Aneotedogoji leegodi libeyacegeco. Odoo Aneotedogoji ja najigotedogowa niğida godatematigo.

²⁰Odoo Aneotedogoji godiğe me jaxotaga Cristo limedi, coda najigotedogowa gonagatetigi. Nigung me gadotaganegenitiwaji, odoo micataşa daga Aneotedogoji gadotaganegenitiwaji. Jibakenaşa Liboonagadi Cristo me jipokagatagawatiwaji anakaami laxakawepodi Aneotedogoji, jipokagatagawatiwaji mikani Aneotedogoji meote makaami lokaagetedipi. ²¹Igaataga Cristo agica degeote ane beyagi. Pida Aneotedogoji eote Cristo me yeletetema gobeyacegeco, odoo ja yaagadi moko laagetedipi, eotedibige Aneotedogoji meote moko oko ane igenaga leegodi me godexogotege Cristo.

6 ¹Niğida moko godokaagedi Aneotedogoji nigung me jaoga niğida libakedi. Odoo jipokagatagawatiwaji me dagadiaağikani manakatoni coda me iwitece Goniotagodi. Igaataga nige dagadia iwitece Goniotagodi, odoo amica mawiite Aneotedogoji ja domegeliodi meletedagadomi. ²Igaataga madi lotaganagaxi, Aneotedogoji mee,

“Niğijo me jemaa me jao aneletagadomi,
odoo ja gadigit niğijo manipokitiwa.

Niğijo noko me jemaa me jao me gadewikitace,
odoo ja gadaxawanitiwaji.”

Odoo digawinitiwaji! Leeditibige mabaatege natigide niğica anele Aneotedogoji ane yemaa me yajigotedagawa. Niğina noko jiğidaağida niğica noko Aneotedogoji me yemaa meote me gadewikitace.

Icoa Paulo lawikodico

³Ajemaanaga daga jaogatibige diğica anee me beyagi anodaagejinaga me godewiğa, jaogatibige me diğicata ane diletibige niğida gobakedi daga beyagi.

⁴Pida niginoa ane gobaketili ane jaogate, idioka limedi me jikeenaga moko liotagipi Aneotedogoji. Igaataga idinatiigatalo inoatawece ane godawikodico, minoa godagalanaşa, coda minoa ane dakaketedogodom. ⁵Idinatiigata nigung metigodalaketibige, ina metigodiwilo, coda nigung noiigi metigodaxacogotibige. Idinatiigata nigung me inigaaxaga me jibaaga, ina me diğica gonimedii me jiotaga

leegotedi gobaketedi, codaan nigina me godigodi nigigi. ⁶ Jikeenaga moko liotaka Aneotedogoji igaataga godowooko yapi, codaan jowoogotaga liigaxinaganegeco Goniotagodi, codaan me idinatiigatiogi nigina oko anodakapetogogi, odaa oko eletema eledi oko. Eeditace jikeenaga moko liotaka Aneotedogoji leegodi Liwigo me godajacagadi, codaan ewi me jemaanaga eledi oko, agoka jaoga. ⁷ Jatematiiga anewi, codaan Aneotedogoji najigotedogowa loniciwaga me jibaagatema. Aneotedogoji eote me godegenaga, odaa godewiga ane igenaga micataga daga godikanaganagadi ane jatiigata me jidelegenaga godaxakawa, codaan jigidaa jibakenaga me idinowetaaga. ⁸ Inatecibece oko etigodiwenigide, inaageledi bogoyakadi ina me digicata aneletogodom. Inatecibece beyagi modotagatibigogoji, pida inaageledi begele modotagatibigogoji. Inatecibece ododigotogowa micataga dogoko awitakegipi, inaageledi bogoyakadi moko oko anoditece anewi. ⁹ Inatecibece oko ododigotogowa micataga dogoko iomigipi, pida inaageledi ododigotogowa micataga dogoko oko aniboonagategimadadi. Jigijo me doidetibige daga godeleo, pida codaan natigide egodewiga. Idaagee metigodiloikatidi, codaan mowote gotacitledi, pida agetigodeloadi. ¹⁰ Idatecibece moko agecagalodipi, pida nigidiaagidi ja godinitibece. Oko madewetedipi, pida ja jaoga eliodi oko modinigaanyetece niliicagajetecidi miniwataga Aneotedogoji. Agica anigetiqidi ane gonebi digoina iigo, pida Aneotedogoji idioka limedi me najigotedogowa inoatawece ane jopoogatibige.

¹¹ Yokaagetedipi yemaanigipi ane gadigeladi nigotaga Coriinto. Ejinagatedagawatiwaji inoatawece ane jeemiteegatece catiwei godaalegena. Ejinagatedagawatiwaji inoatawece ane godowooko, codaan jikeenagatagawa meliodi me godemaanaganegegi. ¹² Nigida moko ainooconagatagadomitiwaji godaalegena, pida akaamitiwaji başa anoxoconitonogodom gadaalegenali, odaa jigikani me godemaanegegi. ¹³ Gadotaqanegenitiwaji micataga dagakaami ionigipi. Awii liciagi ane jaoga, codaan ikeeni me godemaanegegi.

Jinigiwitibece nigina ane doğonakatoteda Goniotagodi

¹⁴ Jinigiwitibece nigina ane doğonakatoteda Goniotagodi dogoleetibige midioka limedi madinadeegitibige me gadokaagetedipi. Igaataga nigina ane igenaga ayakadi daga dinadeegitege nigina aninoa libatico. Igaataga lokokena ayakadi daga awatege nexocaga. ¹⁵ Cristo ayakadi daga ilagatetege diaabo ane abeyacegegi. Odaa nigina ane nakato Goniotagodi agica aneetegi nigina ane daga nakatoteda Goniotagodi. ¹⁶ Codaan ligeladi Aneotedogoji ayakadi daga yexogotege ligeladi niwicidi noenataka. Igaataga nigida moko oko ligeladi Aneotedogoji ewikegi. Jigidaa ligegi Aneotedogoji maditaga lotaganagaxi, mee,

“Jigeladetigi yoiigi,
codaan idiaagejo liwigotigi miditaşa.
Ee Noenogodi,
codaan jigidiaa yoiigi.

¹⁷ Enice eteceniticoace nigina ane degetidinakato,

codaajinagawanitege',
meete Goniotagodi Aneotedogoji.

'Jinigica mawii nigina anowoogoti meo gadaalegenali me napioi.
Odaa ele me jibatagagitwaji.

¹⁸ Codaajao me Ee Gadioditiwaji.

Jao makaamitiwaji ionigipi'.

Joaniginaa lotaga Goniotagodi Aneotedogoji anida
loniciwagatedeloco inoatawece."

7 ¹Godokaagetedipi godemaanigipi, Aneotedogoji eote nigida
ligegetedogogi. Joanigidaa leegodi me idiniwilecagateminaoatawece
ane beyagi, anowo godolaadi codaajao me godowooko me napioi lodoe
Aneotedogoji. Odaa ele me idinoniciwagataga me godewigatema
niokiniwateda Aneotedogoji leegodi me jeemiteegatibige.

Paulo ninitibece

²Jemaa mele mabaatoogogi mikeenitiwaji gademaanaganegegitogodomi.

Agica daga jaoga gaantigica ane beyagitema oko. Agica oko ane jiigaxinagatece
meo ane beyagi. Codaajao agica ane jinaalenaga. ³Anigidaagejatigi igege
dagakaami ilaagetedipi, igaataga jijijo mejitagliwatiwaji me gademaanegegi,
codaajao jemaanaga midioka limedi me idejonaga makaamitaga, domige
godewiga, ogoa, domige godeleo. ⁴Eliodi me gadinakatonitiwaji, codaajao me
idinanetibece akaami leegodi. Goniotagodi eliodi meote yoniciwaga leegodi
akaamitiwaji. Idaagee minoa owidi godawikodico, pida eliodi me godinitibece.

⁵Igaataga nigijo negejogoticogi nipodigi Macedônia, agabo gonimed
otegexaagaga me inipenegenagatini. Inoatawece ane jiigaticogi jawikodeega.
Inaoko domogoyemaa modinotigimadetogogi codaajao domogoyemaa
metigodidelege. Codaajao catiwedi godaalegenali idatecibece idoiiga. ⁶Pida
Aneotedogoji eote loniciwaga nigina ane dagadiaa domaga ilidagadi meo ane
libakedi. Odaaoko eote me godoniciwadi nigijo negeno Tito. ⁷Aneotedogoji
eote me godoniciwadi agidoka leegodi Tito meno, pida eliodi leegodi me
gadatematiitiwaji meliodi mawii loniciwaga. Eledi natematitogowa me
domegeliodi memaani madatitaciwaji, codaajao eliodi natematitogowa makaami
agecagalodipi leegodi midi oko anowo ane beyagi, codaajao nelogoditogowa me
godinienaganegeni. Joanigidaa leegodi menegegitace idinitibeci.

⁸Igaataga, icaagica nigejao makaami agecagalodipi leegodi nagajo eliodi
iwakate notaganagaxi, pida aidinilaatibece leegodi nagajo iwakate notaganagaxi.
Onatecigijo me ee agecagalo leegodi nagajo iwakate notaganagaxi meo
makaami agecagalodipi. ⁹Pida natigide ja idinitibeci. Aidinitibeci daga
leegodi makaami agecagalodipi, pida idinitibeci leegodi nigijo naçakaammi
agecagalodipi, odaa jagadinilaanitecetiwaji nigijo ane beyagi anowo onatecigijo
oko gadiwigotitiwaji. Nigida amenitiwaji makaami agecagalodipi, jijidaa ane
yemaa Aneotedogoji. Odaa jijidaagee ajibeyacagataga gadaalegenalitiwaji.

¹⁰Igaataga nigina nigecegalogo ane yemaa Aneotedogoji, eo nigina oko me dinilaatece loenatagi ane beyagi. Odoo Aneotedogoji yakadi meote nigini oko me yewigatace, odoo agica oko ane agecagalo daga leegodi Aneotedogoji meote me yewigatace. Pida nigina oko nige agecagalo anodaagee nigina oko anida aneetege nigina iigo magecagalo, pida aleegodi libeyacegegi aneo, odoo Aneotedogoji ageote me yewigatace leegodi adinilaatibece. Odoo joanigidaagee idioka limedi me yeleo. ¹¹Igaataga analakitibige nigijo anodaagenitiwaji makaami agecagalodipi leegodi nibeyacegegi anowo gadiwigotitiwaji. Odoo agaleeganoxoconi gagecoogelitiwaji awiitibige manati ane beyagi gadiwigotigi. Eliodi madinoniciwagatitiwaji mikeeni me digicata anenitege ane beyagi anowo nigidioko gadiwigotitiwaji. Gadelatema nigijo ane beyagi, odoo jegenegegitace eemiteetigilo Aneotedogoji. Odoo jogoleetibige madatitace madinilakidenitacigi, codaa jegepaanaaga emaanii Aneotedogoji. Odoo jagageniteloco maloikatiti nigijo oko aneote ane beyagi gadiwigotigi. Ijoatawece nigijoaa anawiitetiwaji ikee me digica anenitege nigijoaa ane beyagi anowote.

¹²Odoo jigidaa me jiditibigagajitiwaji naqajo iwakate notaganagaxi me gadajacagatitiwaji, ajidi daga leegodi nigidioko anowo ane beyagi gadiwigotigi, otegexaagaga leegodi nigidioko ane dawikodetema nigina ane beyagi. Pida jidikotibigagajitiwaji me jikee Aneotedogoji me ywooogodi meliodi me gademaanegegi. ¹³Joanigidaa leegodi me godoniciwadi.

Agodoniciwadi digidoka leegodi meliodi me godemaanegegi, pida eliodi me godinitibece nigijo naga jibodicaga makaamitawecetiwaji axawani Tito mele midiaagi gadiwigotigi. ¹⁴Eliodi mele me idalagatibigajiji, apagalatogo nigida makaamitiwaji me dagawii me idiboliga. Idioka limedi mejinagatagawatiwaji nigina anewi, codaa nigina me gadiwenigidenegegita Tito, odoo akamaqakaamitiwaji jagagikeeni mewi nigijoaa godotaqata. ¹⁵Odoo Tito enegegitace yemaatibigagaji nigina me nalaqatibige nigijo makaamitawecetiwaji eliodi madinoniciwagati mawii ane dipokotagawa, codaa moleetibige ane dagaxa mele memiita mabaatege, codaa me eemiteetibige. ¹⁶Odoo eliodi me idinitibeci me jakadi me gadinakatonitiwaji.

Ane leeditibige mejinaga nigina me jaoga goboona gatalo Goniotagodi dinyeelo

8 ¹Inioxoadipi, jemaanaga mowoogotitiwaji aneote Aneotedogoji midiwataaga lapoli loiigi digoida nipo digi Macedônia leegodi meliodi meletetema. ²Eliodi moicitibigiwaji niginoa lawikodico. Pida eliodi me ninitibigijaji, idaagee meliodi me madewetedipi codaa agica gaantigidi ane nebi. Odoo nigijo moyajigo dinyeelo moyaxawa eledi oko anoyiwagadi Goniotagodi, oyajigo leegodi agonoliti nimawenegegi degepoka eletema. ³Ejitagawatiwaji moyajigo nigica analogota moyakadi moyajigo, codaa me caticedi ane nimawenegegi, epaagoyemaa mowo nigida anee. ⁴Odoo eliodi monipokotogowa me jikanaga mepaagoyaxawa eletidi lapoli loiigi Aneotedogoji. ⁵Odoo agowo nigijo ane jilegatibige doqowo, pida owo caticedi. Odoejegi

modinibootalo Goniotagodi, odaa nigidiaagidi jagaga odinibootogowa, ane yemaa Aneotedogoji. ⁶Tito jigidaageyatigi me nioda gaboonagatalo Goniotagodi dinyeelo. Odaa ja jipokagata me idapaga diiticogi meo nigida nibakedi, codaa me gadaxawanitiwaji magoti nigida nibakedi ane ikee gademaanaganeggegi. ⁷Nigida makaamitiwaji anagaxxaateloco eletidi lapoli anoyiwagadi Goniotagodi. Leegodi dagaxa manakatoni Goniotagodi, dagaxa mowoogoty lowooko Aneotedogoji, codaa me dagaxa mowoogoty niigaxinaganeggeco anoditece gotiwagatakanegegi. Eliodi moleetibigetiwaji mawii ane yemaa Aneotedogoji, codaa nigida makaamitiwaji dagaxa me godemaanegegi caticedi eledi oko anetigodema. Enice awii caticedi eledi oko nigina majcitalo Aneotedogoji ganinyeelo. Joanigidaagida nigica nibakedi ane ikee gademaanaganeggegi mewi.

⁸Agadigenitiwaji digidaga eni. Pida jemaa me jikeetagawatiwaji anodaagee nigina eledi gonioxoadipi me dinoniciwagaditibigiji moyaxawa nigina eledi anoyiwagadi Goniotagodi ane madewetedipi, jaotibige mikeenitiwaji mewi me godemaanegegi. ⁹Igaataga owoogotitiwaji anodaageeteda Goniotagodi Jesus Cristo meliodi meletedogodom. Idaagee me liico digoida ditibigimedi, pida eote me madewedti digoina iigo leegodi akaamitiwaji. Odaa leegodi meote me madewedti, odaa ja yakadi me yajigotedagawatiwaji nigicoa niliicagajetecidi digoida ditibigimedi.

¹⁰Digawinitiwaji ane yowoogo. Ejime tegele magotitiwaji nigijo gabakedi baanogojocitini nigijo eledi nicaagabi. Igaataga jagakamagakaami odoejedipi me gadwoogo mawii nigida nibakedi. ¹¹Natigide, ele magotitiwaji nigida nibakedi. Anenitiwaji maleekoka emaani mojocitini nigida nibakedi, idaagenitiwaji madinoniciwagati magoti, codaa awii nigida nibakedi abakeni nigica anidi makaamitaga. ¹²Igaataga nigina oko nige yemaa meo liboonigitalo Aneotedogoji, Aneotedogoji dibatetege nigica liboonigi leegodi nigini oko iboo anidi minitaga. Aneotedogoji adipokote nigina oko me ibootalo nigina ane digica minitaga.

¹³Ajemaa daga jaxawa eledi oko adigica jao minoa gadagalana. ¹⁴Nigina natigide inoa owidi anakatitiwaji, odaa akati maxawani nigina aninoa anoyopotibige. Pida nigakapiginoa anopootibigetiwaji, idigidi inoa anoyakadi, odaa oyakadi metigadaxawani. Odaa jigidaa nigakatitiwaji madinaxawanitiwage. ¹⁵Jigidaa aneeta lotaganagaxi Aneotedogoji, “Nigina anowidi ane nioda agica ane iigotic, pida nigina anonatecigidi ane nioda baadigica ananiaditibige minitaga.”

Paulo yalaqata Tito icaagica lokaagetedipi

¹⁶Iniotagodelato Aneotedogoji leegodi meote lowoogo Tito me yemaa me gadaxawanitiwaji, digo mokotaga me jemaanaga me gadaxawaneggegi. ¹⁷Igaataga Tito eo nigijo ane jipokagata meo, odaa eliodi me yemaa me gadaxawanitiwaji negepaagicota me lowoogo migo makaamitaqatiwaji agica ane iiige migo. ¹⁸Odaa ini eledi gonioxoa ane jiigenaga migo lixigagawa Tito. Inoatawece lapoli loiigi Aneotedogoji eliodi modeemitetibige nigini gonioxoa leegodi libakedi me yelogoditedibece nibodicetedi anele ane yalaqatalo Cristo. ¹⁹Codaa lapoli loiigi

Aneotedogoji oiolatice nigini gonioxoa migo godixigagawa, nigina nige jadeegaga gaboonagatiwaji dinyeelo. Odoo leegodi mawiite gaboonaga dinyeelo, nigina anoyiwagadi Goniotagodi odogetetibigimece Goniotagodi, codaa nigida gobakedi ikee mewi me jemaanaga me gadaxawanegegegi.

²⁰ Odoo jigidaa leegodi me jemaanaga me idinowetaga amanagawini agica ane dinanimagatogowa leegodi niqicoa gaboonaga ane jadeegaga, owidi dinyeelo. ²¹ Igaataga jemaanaga me jaoga nigina ane igenaga, agidokida me lodoi Goniotagodi, pida lodoi okanicodaagica oko.

²² Jimonyaaga eledi gonioxoa mijotaga nigotibeci. Eliodi me idineenagata, odoo idioka limedi me jinataga me dinoniciwagaditibece me daxawanataka. Codaa eliodi me gadinakatonitiwaji, joanigidaa leegodi negepaanaga yemaa me daxawanataka. ²³ Iniaagini Tito ane yokaagedi, codaa eliodi me jibaaga gadiwigotigitwaji. Gonioxoadipi ane lixigagawepodi Tito, jigidiaagidi anoiolaticoace lapoli loiigi Aneotedogoji moyadeegi liboonaga dinyeelo. Oiwenigidetedibece Cristo leegodi nigida libakedi. ²⁴ Enice ikeenitiogititiwaji niginoa eletidi lapoli Aneotedogoji loiigi meliodi memaanitibigwaji, codaa ikeeni mejinagatece nigina ane igenaga, nigina me idinanenagatibece leegodi akaamitiwaji.

Oiwakatee niboonaga dinyeelo miditaga lapo loiigi Aneotedogoji digoida Jerusalém

9 ¹ Agalee leeditibige daga jidiko degejitece icoa niboonaga dinyeelo ane iwakateenitewaji maxawani loiigi Aneotedogoji miditaga nipodigi Judéia. ² Igaataga jowoogodi memaanitewaji maxawanitiogi. Joanigidaa leegodi me idinanetibece niqijo negejitatagadicitwaji miditaga lapoli loiigi Aneotedogoji digoida nipodigi Macedônia. Mejitiogi, “Gonioxoadipi digoida nipodigi Grécia ja nigomaga me naxawanatakanaga niqijo nicaagabi ane ixomagatijo codaa natigide.” Eliodi oko yoniciwaditibigwaji leegodi meliodi memaan me iwakateeni dinyeelo minoataga madewetedipi anoyiwagadi Goniotagodi. ³ Pida jimonyatagawatiwaji nigina gonioxoadipi metigadaxawani me oenitedini niqicoa gadiwakatedi dinyeelo, anejitiogi eletidi lapoli loiigi Aneotedogoji. Jigidaagee niqida moko agatooa me idinanenagatibece nigina mejinagatagadictiwaji. ⁴ Igaataga nigica oko anelatibige nipodigi Macedônia ixigagawepodi, igaanige ejogotagawatiwaji nigaleedaga gadigomi, odoo ja godiboliga, codaa akaamitiwaji eledi aniboliki, leegodi me domaga gadinakatonegegi magoti nigida gabakedi. ⁵ Joaniqidaa leegodi me jakadi me leeditibige me jipokotogi nigina gonioxoadipi migotibeci dinewadetibigwaji, moilakidetedini niqicoa gaboonaga dinyeelo amaleegaga nigejotagawa ja igo. Joaniqidaa nigikeenitewaji maxawanatakanani leegodi makamegemaanitiwaji maxawanatakanani, idigida agica ane gadiigenitiwaji maxawanatakanani.

⁶ Analakitibigetiwaji niginoa notaga! Nigina me jaicaga goboonaaga dinyeelo oiciaceeketege nigina anetanaga. Nigina ane dogowidi elanigjedi, odoo idaagee

agowidi lawodigijedi ane nopilagaditedio. Pida nigina anowidi elanigijedi, odaa owidi lawodigijedi ane nopilagaditedio. ⁷Nigina oko leeditibige mepaa yowo nitica ane liwokodi dinyeelo me ane iboo. Odaa ayakadi daga agecagalo laalegena nigina me yajigo, codaa agele me yajigo liboonigi daga leegodi eledi oko moiedege. Pida leeditibige me ninitibece nigina me yajigo liboonaga dinyeelo, igaataga Aneotedogoji yemaa nigina oko ane ninitibece nigina me yajigo liboonaga dinyeelo. ⁸Igaataga Aneotedogoji yakadi me yajigotedagawatiwaji caticedi anopootibige, eotedibige midioka limedi makati inoatawece anopootibige, codaa eotedibige makati maxawani eledi oko anowo okanicodaagica nibakedi anele, anowotema Aneotedogoji. ⁹Joanigidaa aneeta Aneotedogoji lotaganagaxi mee,

“Nigina oko aneliodi me yaxawa niginoa madewetedi,

Aneotedogoji idioka limedi me dagaxa meletetema nigini oko.”

¹⁰Aneotedogoji yajigote nolacidi nigina anetanaga, codaa niwakateetedibigogoji goweenigi. Odaa eliodi ane yajigotedagawatiwaji digo mijotaga niçijo anetanaga anowidi nolacidi. Odaa digo mijotaga niçijo oko anetanaga nopilaqaditedio lawodigijedi nigidiaagidi, odaa jegepaanaga owidi nolacidi. Jigidaagenitiwaji nigina mediani eledi oko, odaa Aneotedogoji aagaga yajigotedagawatiwaji nitica ane dagaxa mele, caticedi anowoo makati. ¹¹Aneotedogoji eliodi ane yajigotedagawatiwaji eotedibige midioka limedi makati maxawani eledi oko aninoa anoyopotibige. Odaa eliodi oko odiniotagodetalo Aneotedogoji nigodibatege gaboonaga dinyeelo ananajicitedogowa me jadeegagatiogi madewetedipi anoyiwagadi Goniotagodi. ¹²Igaataga nigina mawiitetiwaji niçida nibakedi, aqidokida dagaxawanitece anoyopotibige Aneotedogoji loiigi, pida jagagawiitiwaji meliodi oko odiniotagodetalo Aneotedogoji. ¹³Nigidi oko odogetetalo Aneotedogoji igaataga niçida nibakedi ikeetiogi me iwagati codaa me iwitece nigicoa liigaxinaganegeco nibodicetedi anele anoditece Cristo. Codaa odogetetalo Aneotedogoji leegodi gaboonagatiwaji anele anajicitogi codaa miditawece eledi oko aninoa lagalanaga. ¹⁴Odaa nigoyotaqanege Aneotedogoji, odipokotagalocotiwaji codaa eliodi moyemaa metigadati, leegodi Aneotedogoji meliodi meletedagadomitiwaji, codaa leegodi minoatawece yajigotedagawa. ¹⁵Iniotagodeegatalo Aneotedogoji leegodi niçijo gonogeedi ane dagaxa mele ane najigotedogowa okotawece. Nigida gonogeedi dagaxa mele caticedi nitica ane jakataqa me jowooga.

Ica Paulo nagatetigi

10 ¹⁻²Ee Paulo, eemoda iwikodaga nigina me idejo gadiwigotitiwaji, codaa agee loidenigi. Pida nigina me leegitagawa me gadotoniticoace, aidoi me jidikotibigaqaji me gadoxoki. Idegeji leegodi Cristo me daga loideniteda mijoa, pida dinatite nigina oko anodakapetege, jipokotagawatiwaji me dagawii daga leeditibige me gadoxoki nigejigo makaamitaga. Igaataga ajawienataka mabo yaalegena me joxogo nigidi oko anodi me godiciagi me jowookonaga nigina oko anida aneetege nigina iiço. ³Ewi minaagejonaga nigina iiço, pida nigina me

jidelegenaga ane beyagi, ajowookonaga liciagi anoyowo nigina okotigi nigina iiigo. ⁴Nigina me jidelegenaga ane beyagi, ajibakenaga likanaganagadi nigina okotigi nigina iiigo. Pida jibakenaga godikanaganagadi Aneotedogoji ane najigotedogowa. Odaa jibakenaga godikanaganagatedi loniciwegenaga me jigekenaga godaxakawa ane yoniciwadi. ⁵Jigekenaga nowooko ane domegetigodinaale, inaaginoa lotaga nigina oko anagaxakenegegipi, anowote lotaga modakapetege niigaxinaganegegi aneo me jowoogotaga Aneotedogoji. Micataga daga jigoenagatedini niginoa lowooko ane daga ilaagatedice nigina oko, jaogatibige moyakadi moyiwagadi Cristo. ⁶Odaa nigidiağıdı nige ikeenitiwaji me iwağati inoatawece liigaxinaganegeco Goniotagodi, odaa ja godigo me jiloikatitaga okanicodaagica oko ane degeyiwagadi nigidıwa niigaxinaganegeco.

⁷Nigida makaamitiwaji inokaniwinita oko anele. Nigina oko ane diletibige Cristo daga imonya, nigini leeditibige me yowo moko eledi Cristo liigexedi, digo miditaşa me iiige. ⁸Idaagee me idinanetece meji Goniotagodi me najigotedogowa gonagatetigi, aidiboliga. Goniotagodi najigotedogowa gonagatetigi me gadaxawanegegitiwaji me ili gatiwagatakanegegi, idığda ajaoga maniitiniwace. ⁹Ajemaatiwaji dagaleetibige daga jemaa me jao madoii nigina me jidikotibigagaji. ¹⁰Igaataga idı oko anodi, “Nigina Paulo me didiko, iditedini niginoa notaşa ane dakaketogodomi codaan me gonitiadi. Pida nigina mini digoina godiwigotigi, liciagi nigina oko ane agamaleğegi, codaan anotaganeğecajo.” ¹¹Nigidi oko leeditibige moyowoogodi niginoa godotaga ane jidiigatibigagaji nigina me leegitagawatiwaji, ida ane jaogate nigina naga idejonaga gadiwigotigitijiwaji.

¹²Nigida moko ağaca godaalegena daga idiniciacekenagatege, degejinaga me godiciagi nigina oko anodiletibige daga dagaxa me gonegaga. Nigina midiaa diniciaceeketiwage, ağica lowooqotakanegegi, yetoledi! ¹³Pida nigida moko aidinanenagatibece caticedi Aneotedogoji ane ika me idinanenağatece. Aneotedogoji epaageote liniogo ane gobakadi, odaa ayakadi daga inagaxagateloco nigidı liniogo, otegexaagaga gobakedi gadiwigotigitijiwaji. ¹⁴Leegodi etakaamitiwaji catiwedi nipodigi Aneotedogoji ane nibikota me gobakadi. Nigijo negejogotagawatiwaji me jadeegagatagawa nibodicetedi anele anoditece Cristo, oko odoejegipi mejogotagawa, odaa ainagaxagateloco nigidı nipodigi libikotanigi Aneotedogoji. ¹⁵Odaa jinaga idinagaxakenaga leegodi libakedi eledi oko aneo monagaxateloco gonipodigi me jibaaga. Pida inibeoonagatege gatiwagatakanegegi me ili amanagawini Aneotedogoji yeliogatatee nipodigi ane gobakadi gadiwigotigitijiwaji. ¹⁶Odaa jigidıaägee jakataga me jatematiigatedibece nibodicetedi anele minoataga eletidi nipodaga ane leegita moyototice ganipodigi me digicata daga idinanenagatibece leegodi libakedi eledi oko.

¹⁷Digo aneeta lotaganagaxi Aneotedogoji, “Nigica ane dinanetibece, ele me dinanetece Goniotagodi Aneotedogoji.” ¹⁸Igaataga Aneotedogoji adibatetegi oko anepaa diniwenigide, pida dibatetegi nigina oko aniniaağınıwa Aneotedogoji ele me yowotedibige.

Paulo dinatemati coda a yatemati ica ane niigenatakanaga awitakagaga

11 ¹Jemaa me adinatiiutiatiwaji nigina me jotagatibece micataga degee yetole. Jipokotagawa madinatiiitiwa natigide! ²Jemaa meliodi me idoweditagalocotiwaji ane yemaa migotedagawa Aneotedogoji me doweditedagaloco. Macataga naçana awicjje baanaga nipegí me wado, odaa eliodi ja dowediteloco, coda aika eledi goneleegiwa daga itinege, nigepaagicota noko me wado. Jigidaa jemaa mejigotagawa me idoweditagalocotiwaji, coda me gadikeenitalo Cristo, digo majotaga naçajo awicjje, amaleegaga inioskiniwateda Cristo makaami nepilidi. ³Pida digo mijotaga nigijo Lakeedi me ibake lowoogotakaneggegi me inaale Eva meo ane beyagi. Jigidaa idoitigi eledi oko daga gadinaalenitiwaji oditaga agaleegemaani Cristo, otegexaaqagaleegemaani miniokiniwateda me iwitece. ⁴Idoitigi daganiitiniwacetiwaji, leegodi mabaatege okanicodaaggica oko anicotagawa, odaageetece Jesus, pida iigaxitagadici ane daga jiiqaxinagatagadici. Coda nigida makaamitiwaji ja gadigomi mabaatege niwigo ane daga Liwigoteda Aneotedogoji, ane niwakateetibigagaji. Coda ja gadigomitiwaji me iwagati eletidi nibodicetedi ane degewiteda, pida aliciaco nigijoia nibodicetedi ane jatematiigatedagawa.

⁵Nigidi oko anototagawa, anodiletibige daga daçaxa me gonegaga coda moditibece me liigexedi Aneotedogoji, pida ee ageji me daçaxa me gonegaga caticedi ee. ⁶Idaagida me digicata degee notaganegecajo, pida nigida me ee owidi ixaketedi. Coda jegeliodi me jikeenagatagawatiwaji me jowoogotaga inoatawece niginoa ganicinao.

⁷Pida ee agica daga gadibanoonitiwaji nigijo me jatematitedagawa nibodicetedi anele ane icogotedigi miniwataga Aneotedogoji. Nigijo me daga gadibanoonitiwaji, jao me ee iwikodaga leegodi jaotibige me daçaxa makaami gonegaga. Nigijo me jao nigijo aneji, domige jibatá? ⁸Nigijo me jiba me gadaxawanitiwaji, jibatege dinyeelo anoniwakateetibigiji eletidi lapolí loiigi Aneotedogoji. Nigijo me jibatege nigijoia dinyeelo, ja micataga daga jolicetiogi nigidi noiigi. ⁹Nigijo midiaa ibakadi gadiwigotigitiwaji inoa igalanaga, pida agica daga jipokotagawatiwaji daga gadiwocitiniwace. Pida gonioxoadipi ane icogoticogi nipodigi Macedônia bogonadeegitiwa inoatawece ane jopotibige. Ajemaa madaxawanitiwaji, coda agica daça yowoogo me jipokotagawa madaxawani. ¹⁰Digo mioataga Cristo midioka limedi me eetetece anewi, odaa ee ejitece anewi, nigina meji me digicata oko nipodigiteloco Grécia ane yakadi me idoxogo me idinanetibece. Idinanetibece leegodi me digicata loojedi me jelogoditedibece nibodicetedi anele anoditece Cristo. ¹¹Igame leegodi ina meji? Ageji daga leegodi me daga gademaanitiwaji, pida leegodi me gademaanitiwaji, coda Aneotedogoji yowoogodi mewi me gademaanitiwaji.

¹²Ajibatege dagadaxawanitiwaji natigide, codaajipokotagawa madaxawani gaantigida noko. Odaa jigidaa me daga jao ane leegodi me dinabaketibece nigijo anokowo me liigexedi Aneotedogoji. Nigidiwa goneleegiwadi awitakaga oyemaa

modi ica libakedi me liciagi gobakedi. ¹³Nigidiwa goneleegiwadi odinanatigi me liigexedi Aneotedogoji, pida agewi me liigexedi. Libakedi moninaaletiniwace oko. Nigina me dinikee micataga degewi me liigexedi Cristo. ¹⁴Pida agele daga jopooga leegodi moyakadi mowo nigida anee. Igaataga iniaagini Satanás yakadi meo me liciagi aanjo anani nilokokena Aneotedogoji aneo me datale. ¹⁵Odaa aqinigina ane jilalaga nigina nige diniigi niginoa liotaka Satanás nigowo me liciaco niginoa Aneotedogoji liotaka, anodiigaxinagatece Aneotedogoji me yemaa nigina oko me igenagatibigiwaji. Aneotedogoji icota me yajigotediogi nigica loojedi ane igenaga niginoa loenataka.


Paulo dawikode leegodi me liigexegi Aneotedogoji

¹⁶Jemaa mejitacagawatiwaji. Jinigikaní digica ane diletibige degee yetole. Pida nigica oko gadiwigotitiwaji ane diletibige degee yetole, odaa abaatege nigida aneji, micataga degewi me ee yetole, amaleegaga jakadi monatecigini me idinanetibece. (Igaataga inokina yetole me dinabaketibece.) ¹⁷Natigide idinabakenawaanigitibece, odaa jiqidaagee jotagatibece digo micataga yetole. Pida Goniotagodi aidiige daga idinabaketibece micataga degee yetole. ¹⁸Pida ina eliodi oko ane dinabaketibigiwaji, leegodi moyemaa me yelogotibigiwaji. Odaa emaga idinaaga, odaa idinabaketibece mejitici. ¹⁹Nigida makaamitiwaji aleetibige dogowidi gadixaketedi. Joanigidaa leegodi makati madinatiita codaa mabaatege nigijo anodi me liigexedi Aneotedogoji, yetoledi. ²⁰Codaa nigida makaamitiwaji akati madinatiita nigidioko anetigadiigeni micataga dagakaami liotagipi, codaa akati madinatiitaoko ane doletibige me nagaxatagalocoti waji me diigenataka, codaa oyeligo anidi makaamitaqatiwaji, codaa akati madinatiita niginaoko ane gadinaalenitiwaji odaa yadeegiteda ganinyelo, codaa akati madinatiitaoko ane doletibige me yelogo, codaa me niginaoko ane digica meotagaji ane micataga daga yabaketigi gadatobi. ²¹Idiboliga moko agamalagaga midaga inigatagawatiwaji, anodigotagawa nigidioko.

Egidaa diiticogi me jotagatibece micataga yetole. Nigica anabo laalegena codaa nigida ane leegodi me dinanetibece, odaa ee dicabo yaalegena magaga idinanetibece. ²²Nigidiwa goneleegiwadi ane lemaanigi me yelogotibigiwaji, dinanetibigiwaji leegodi modotagatigi nioladi hebreutedi. Pida ee eledi jotagatigi. Dinanetibigiwaji leegodi mida aneetege loiigi Israel, pida ee aagaga yoiigi. Codaa dinanetibigiwaji leegodi mida aneetege licogegi Abraão, pida ee eledi ida anejitege licogegi Abraão. ²³Modi me liotaka Cristo, pida baanegemegee Cristo liotagi anele caticedi nigidiwa goneleegiwadi, leegodi mepaga jawikodeteloco nigida ibakeditema Cristo. Anaga idotoko me jotagatibece micataga nigina yetole leegodi me idinabaketibece. Ee inagaxateloco nigidiwa goneleegiwadi, leegodi mepaga dagaxa me jiba. Elioditibece me idejo niwilogonagaxi, codaa elioditibece metidalaketibige, caticedi nigidiwa goneleegiwadi, codaa idatecibece

ja domaga ideleo. ²⁴Ciinco metidalaketibige judeutedi. Owote trinta-noove metidalake. ²⁵Itoatadigida romaanotedi metidalaketibige onatitiwa ebo. Onijoteci metidigidatice onatitediwa wetiadi. Itoatadigida me iniwiaje, odaa domololetini etogo. Ijo midiaagejote catinedi ninyogodi onijoteci noko, onijoteci enoale. ²⁶Eliodi me iniwiaje, odaa elioditibece me jakapetege ane doide catinedi akiititedi, codaa eliodi me doidetibige olicagaga, ijo meliodi me doidetomi leegodi yoiigi me ee nakapetegi, codaa doidetomi nigijo ane daga judeutedi nagagodakapetigi. Etida magaga doidetomi me idejote nigotadi, codaa me midiwataga nipodaga ane yadilo ane digicata nigeladimigipi, codaa me liwigotinigi akiidi-eliodi. Codaa eliodi me doidetomi, leegodi nigina oko anodinanatigi me gonioxoadipi. ²⁷Jao nibakedi ane dakake, codaa inigaaxe. Idatecibece agabo me jiote. Idatecibece ideloadi nigigi, codaa me ideloadi ecibi. Idatecibece agica ane jeligo, agica yowoodagagi, codaa me idilowadi. ²⁸Agaleegejitece eletidi yawikodico. Pida eleditace inoatawece nokododi eliodi me ee aagecagalo leegodi niginoa ane dakaketema inoatawece lapoli loiigi Aneotedogoji. ²⁹Nigina minitibece oko ane nagamalaga eliwagatakaneggegi, codaa ee magaga jeemitetec e me idagamalaga, leegodi me jiwikode nigini oko. Nigica aneo eledi oko meyamagatice metiwagataka, odaa eo meliodi me ee aagecagalo.

³⁰Nige leeditibige me idinanetibece, enice ele me idinanetece nigina ane ikee me ee agamalegegi. ³¹Leeditibige midioka limedi me jogeegatalo Aneotedogoji, Noenogodi codaa me Eliodi Goniotagodi Jesus Cristo, ane yowoogodi me daga



(2 Coríntios 11.33)

jiwitaka. ³²Idiaagejotice nigotaga Damasco aneitice nigijo lacilo judeutedi, nigijo inionigi-eliodi Aretas ane iomagaditice. Nigijo midiaagejo, nigijo lacilo judeutedi eote nowienogododi lapoagi-nelegi nağani nigotaga me domağä dibatiwa. ³³Pida ijo yokaagetedipi jegetidexagatinigi ajo etacani eloodo. Odaa jogowiagateetiwece nagajo etacani mijotaga ijo lawimagajegi nigijo niwilanigi, ane leegitibigimece, ane niotaa nigotaga. Odaa jegetidikatinicogi we. Odaa jiçidaa negetidiwoko.

**Paulo onica ica lakanligi micataga daga ligeedi,
codaa dawikode leegodi neelotagi**

12 ¹Ejopotibige me idinabaketibece, idaagee nige digicata jaşa. Ejitece nigina godakatigi, ane micataga daga godigeedi, Goniotagodi ane najigotedogowa, codaa me nikeetedogowa. ²Ini yowoogotagi goneleegiwa anida aneetege Cristo. Jegeote catooze nicaağape me divate Aneotedogoji niginı goneleegiwa, odaa ja yadeegitedibigimece ditibigimedi, nigica ditibigimedi anepaanaga ipegitte Aneotedogoji. Ajowoogodi domigoka ligeedi, ogoa domigewi Aneotedogoji me yadeegi nigini goneleegiwa. Iniokiniwateda Aneotedogoji me yowoogodi. ³⁻⁴Ajowoogodi Aneotedogoji domige yadeegitedicogi lodoe, liwigo codaa me lolaadi nigini goneleegiwa, ogoa domige iniokini liwigo me yadeegi Aneotedogoji. Pida baga jowoogodi Aneotedogoji me yadeegi, codaa nigini goneleegiwa wajipatalo notaga ane dogoyakadi moyowoogodi ane diitigilo nigina oko, otegexaa gaga modotagatigi. ⁵Enice me idinabaketibece jiçiniae leegodi nigini goneleegiwa. Pida aidinabaketibece daga leegodi emegee. Idoka idinabaketibece leegodi nigijo ane ikee me ee oko ağamaleğegi, ane digica loniciwaga. ⁶Nigalee jemaa me idinabaketibece, aäge yetole, igaataga ejitece inokina anewi. Nigica ane deemitetibigiji leegodi me nadi ibakedi, codaa me wajipata iiçaxinağaneğegi, ajemaa degeneğegi deemitetibigiji leegodi me idinabaketibece. Odaa agalee idinabaketibece.

⁷Domaga yakadi degeliodi me idinanetibece leegodi Aneotedogoji mowidi ane nikeetediwa niginoa ane joxicagatema. Pida meotedibige me daga idinanetibece, Aneotedogoji ika liigexegi Satanás meo anigotiwa. Eo yeelotagi ane gonitiga, aneo me jawikode, micataga daga iciijegi catiwedi ibole. ⁸Itoatadigida me jipokotalo Goniotagodi me nogatedice meetaga nigida neelotagi. ⁹Odaa naga idigidi, metetediwa, “Genaga jao me Ee ane dagaxa meletağadomi, codaa ja jajigotedagawa inoatawece anopootibige madinatiita. Igaataga nigina me eemiteetece me diğica gadoniciwaga, odaa ja jikeetağawa yoniciwaga mida makaamitaga.” Odaa ja idinitibeci codaa me idinanetibece leegodi niginoa igamaleğeco, jaotibige midioka limedi me jakadi mini meetaga loniciwaga Cristo. ¹⁰Odaa idinitibeci nigina me leegodi Cristo me jeelotika, ina moyametibigiji eledi oko, ina minoa ığalanağa, ina metidiatibeci oko, codaa minoa ane dakaketomi. Igaataga nigina me jeemite me idagamalaga, Aneotedogoji najigotediwa loniciwaga.

Paulo igecagalege anoyiwagadi Goniotagodi manitaga nigotağa Coriinto

11 Jao me iciagi yetole me jotağa, leegodi me idinabaketibece. Pida akamagakaamitiwaji awiitibige me jao nigida aneji me jotaga. Igaataga akamagakaamitiwaji domaga leeditibige madinienaganegeni. Igaataga jigidaa nigidi oko modiletibige me diçicata iniwaló, nigidi oko anoditibige me dagaxa me gonegaga liigexedi Aneotedogoji, nigidi adagaxa meletibigiwaji dogonagaxatiloco. 12 Ee ağica daga idajolitaga nigijo me jao ibakedi makaamitagliwaji. Joanigidaa Aneotedogoji me ikee me ee liigexegi, leegotedi niginoa gobinico aneote, ane joxicagatema, codaa moikee loniciwaşa Aneotedogoji. 13 Ijoatawece nigijo ane jaotema eletidi lapoli loiigi Aneotedogoji, ijaagijoa baanaga jaotedagadomitiwaji. Pida idioka jipokotiogi eletidi lapoli gonioxoadipi metidaxawa, pida akaamitiwaji baadaga jipokotagawa idoitibige daga gadigiwocitiniwace. Pida nigakatiwaji me beyagi nigida aneji, jipokotagawatiwaji me ixomagateenitice ibatiigi.

14 Ja idigo mejigo idalitagawatiwaji, odaa jegeote itoatadigida mejigo. Pida ajipokotagawatiwaji madaxawani. Igaataga ajoletibige ganinyeelotiwaji, pida joletibige dokaagaleegaga ademaanitiwaji. Igaataga leeditibige eniododipi moyajigota lionigipi icoatawece nigicoa anoyopotibige, idigida anionigipi oyedia eliododipi. Odaa ee jigidaageji ee micataga gadioditiwaji. Joanigidaa leegodi me daga jemaa me jipokotagawa madaxawanitiwaji. 15 Idinitibeci nigina me jakadi me jaagadi nigica anidi meetaga, codaa emegee ja idigo me idinaagadi me gadaxawanitiwaji. Pida nigina me jikeetagawatiwaji meliodi me gademaani, akamagakaamitiwaji jegepaanaga dagadiaa ademaani.

16 Pida nigida makaamitiwaji, icota maniwotitomi me daga gadigiwoci. Pida aganiaditibige anee me gadinaalenitiniwace, codaa modi jibake yacilo me inigaanyetece ganinyeelotiwaji. 17 Domigica me jibake eledi oko ane jimonyatagawa me gadinaalenitiniwace? Ağica, codaa ağica daga yowoogo! 18 Ja jipokota Tito migo dalitagawatiwaji, codaa lixigagawa eledi gonioxoa ane jimonya. Tito ağica daga gadiboloiteenitiwaji. Ee iniaa Tito idokida anejinaga me jibaaga, leegodi diniciamico godowooko.

19 Jakadi maleetibigliwaji minoatawece niginoa ane jidi, jidikotibigagaji midokida me jikeetagawa me diçicata gobatiigi. Pida Aneotedogoji godadi me jidiigatedini inoatawece leegodi me godexogotege Cristo, odaa jemaanaga me gadaxawaneggegi me ili gatiwagatakaneggegi, anakaami godokaagetedipi godemaanigipi. 20 Igaataga idoitibige degejotagawatiwaji, oditaga ja jibatagawatiwaji maleegawiite gadoenataka ane dağa jemaateda mawiite. Odaa jagaleetibigliwaji degee eledi oko, me daga iciagi nigijo oko ane domegemaani leegodi me leeditibige me gadoxokitiwaji. Idoitibige daga jibatagawatiwaji makamaga adinidelegeni, codaa madinoceetiwage, makaami loidenaşa, makaami adodigomadadi, me beyagi motaganitibige eledi oko, codaa me alagani, madinanenitibece, me daga gadilakiitiwage. 21 Eleditace idoitibige degejotagawatiwaji, oditegeote Aneotedogoji me

idiboligatagadictiwaji, codaa daga jinoe leegodi meliodi oko anowo ane beyagi, ane dogodinilaatece loenataka ane beyagi. Nigina oko ane dogoika moitinege ane daga lodawa, codaa me loomatewa oko ane daga lodawa, otegexaagaga oyajacagaditeda lida gataka lolaadi ane beyagi.

Paulo ibodicaxi codaa me iladee Coriintiotedi

13 ¹Nigina naga nipeci mitoatadigida mejigo idalitagawatiwaji. Eo me nalagatibigji Aneotedogoji lotaganagaxi mee, “Nigina oko ane dilaageteta eledi oko, leeditibige me doletibige iniwataale oko, ogoa domige iniwatadigini oko anonadi nigica niciagi, odoo jogoyakadi moniwoditema mewi niginiaanilaagedi nigini aneo ane beyagi.” ²⁻³Jema me jibodicaxi nigidi anowo ane beyagi maleedigicatibige mejigo idalitacagawatiwaji, codaa miditawece nigidi eledi oko. Igaataga jijijo me gadibodicaxinitiwaji nigijotace mejotagawa, codaa digo aneji naga leegitiwa, gadibodicaxinitaciwaji nigina me jiditibigagaji nagadi iwakate notaganagaxi. Eji memaan me ikee me idibake Cristo nigina me gadotaganegenitiwaji. Odoo natigide nigijotace idalitagawatiwaji, odoo agaleejica ane jiwikode aneo loenatagi ane beyagi. Cristo agagamalegegegi nige ikee anigotedagawatiwaji, pida ikee loniciwaga gadiwigotigi. ⁴Idaagida mica ina daga agamalegegegi Cristo nigijo nogonanyoketedinece nicenaganagate moyeloadi. Pida nigidiaagidi Aneotedogoji ibake loniciwaga me yewikatiditace. Odoo nigida moko jigidagagejinaga moko agamalegegegi digo mioataga Cristo magamalegegegi. Pida leegodi me godexogotege Cristo, godewigatace leegodi loniciwaga Aneotedogoji nigina me jaoga aninigatagawa, leegotedi gabeyacegeco.

⁵Adinicinitiwaji, codaa makamaga adiniwini, amanagawini owoogoti nigewi manakatoni Goniotagodi. Jogowoogotitiwaji Jesus Cristo me digeladetediwagaji. Iniwa makaamitatiwaji idokidata nigina nige gadixomigitijo me dineetedagawa.

⁶Inibeotege nige godiwinegegegi, odoo icota manati me daga jineteege, pida oko baanaga godixomagatice me dineetedogowa Goniotagodi moko liigexedi Cristo. ⁷Pida jipokotibigalo Aneotedogoji me digica anigetigida gadoenatagi ane beyagi. Ajipokotalo Aneotedogoji daga ikee mepaganaga godixomagatice me dineetedogowa moko liigexedi, pida jipokotibigalo mawii anele. Agica ane jaoga nigina oko modiletibige daga jineteegeatema Goniotagodi. Pida ane dagaxa mele mawiitiwaji nigina ane igenaga. ⁸Igaataga ajakataga me jakapagatege niigaxinaganeggegi anewi, pida inoka jakataga me jiigaxinaganagatece anewi.

⁹Igaataga godinitibece nigina me gadoniciwatitiwaji me iwagatakani, icaagica nige jeemiteegatece me godagamalaga. Jemaanaaga makaamitawece atecigi, mabootiwe mawii ane igenaga. ¹⁰Jiditibigagaji nagadi iwakate notaganagaxi leegodi me leegitaagawatiwaji, amanagawini nigejigo idalitagawatiwaji, odoo aleeditibige daga jibake inagatetigi ane najigotediwa Goniotagodi me godoxokitiwaji. Najigotediwa nigida inagatetigi me gadaxawanitiwaji me ili gatiwagatakaneggegi, idigida ajaagadi me iwaqatakani.

Owidijedi lotaga Paulo me yecoaditibige Coriintiotedi

¹¹Akaami inioxoadipi. Jiditibigagaji owidijedi yotaga me gadibodenitiwaji. Adinoniciwagatitiwaji amanagawini abootiwage mawii anele! Atacolitece niginoa yotaga! Jemaa mabootiwage mowookoni! Adeegi gadewiga me dagadinotigimadeni, codaad madinoniciwaqatitiwaji me gadilakiitiwage. Odaa Aneotedogoji ane godemaa okotawece, codaad aneote godaalegenali mele, ideite makaamitagiatiwaji.

¹²Adinibedonitiwaji madiniceni madinecoati jigidaa ane yemaa Aneotedogoji.

¹³Inatawece loiigi Aneotedogoji aninaa meetaga oyecoaditibigagajitiwaji, inatawece nigina oko ane iomagaditedice Aneotedogoji mepoka nepiliditeda.

¹⁴Jemaa Goniotagodi Jesus Cristo meliodi meletedagadomitiwaji, codaad midioka limedi Aneotedogoji me ikeetedagawa me gademaanitetiwaji akaamitawece, codaad jemaa Liwigo Aneotedogoji midioka limedi me idei gadiwigotigitiwaji amaleegaga eote makaamitawece owoogoti makaami dinoiigiwepodi. Odaa jigidaagee. (Amém).